

MISSINGIUT

Meeravissiarthaarnej pillugu Kalaallit Nunaannut nalunaarut

Meeravissiarthaarnej pillugu inatsisip allangortinneqarnissaanut inatsisit assigiinngitsut Kalaallit Nunaanni atuutilersinneqarnerannut peqqussummi nr. 410, 21. april 2010-meersumi § 10, imm. 1, pkt. 1., § 10 imm. 5, §§ 27, aamma 34 aamma § 35, imm. 3 naapertorlugit, peqqussutikkut nr. x, y 2021-imeersukkut allangortinneqartut, aalajangersarneqarput:

Kapitali 1

Atuuffii il.il.

Atuuffii

§ 1. Naalagaaffiup Sinnisuata meeravissiarthaarnej pillugu sulianik suliaqartarneranut nalunaarummi matumani malittarisassat atuutissapput, allamik aalajangersaasoqarsimatinnagu.

Nassuiaatit

§ 2. Nalunaarummi matumani tulluuttut ima paasineqassapput:

- 1) Inooqatigisaq: Inuk, aappariittut atasuinnarmik inooqateqarsimasoq, aallaavittut sivikinnerpaamik ukiut marluk affarlu.
- 2) Meerassamik meeravissiarthaarnej: Aappap imaluunniit inooqatigisap meeraanik qinnuteqartup qitornavissiarthaarnera, tak. peqqussummi § 7.
- 3) Ilaquttamik meeravissiarthaarnej:
 - a) Qinnuteqartup ernguttaminik, qatanngummi meeraanik imaluunniit qatanngutiminik meeravissiarthaarnera.
 - b) Qinnuteqartup qanittumik sivisuumillu angajoqqaat ilisarisisaasa meeraanik 18-it ataallugit ukiulimmik meeravissiarthaarnera.
 - c) Qinnuteqartup immikkut qanitaanik meeqqamik meeravissiarthaarnera.
- 4) Ilisarimanngisamik meeravissiarthaarnej: Qinnuteqartup meeqqamik 18-nit inorlugit ukiulimmik meeravissiarthaarnera, piumasaqaataalluni qinnuteqartup meeravissiarthaarnissamut akuerisaasimanissaa, tak. peqqussummi § 5, imm. 1.
- 5) Kalaallit Nunaanni meeravissiarthaarnej: Qinnuteqartup meeqqamik naalagaaffimmi maani najugalimmik meeravissiarthaarnera, aammalu meeraq naalagaaffimmut tikissimanngitsoq meeravissianngornissaa siunertaalluni.
- 6) Meeqqamik nunami allamiumik meeravissiarthaarnej: Qinnuteqartup meeqqamik meeravissiarthaarnera nunami allami najugalimmik, imaluunniit meeqqamik naalagaaffimmiittumik, meeqqap meeravissiarthaarineqarnissaa siunertaalluni.
- 7) Akuersinissamut sinaakkusiussaq: Qinnuteqartumut akuerineqartumut meeqqap meeravissiarthaarineqartussap ukiorisatigut kiisalu timikkut aamma tarnikkut inissisimaneranik nassuiaat.
- 8) Nuna meeravissiarthaartitsisoq imaluunniit nuna pinngorfik: Tassaavoq nuna meeqqap meeravissiarthaarineqannginnermini najugaa.
- 9) Kattuffik akunnermiliuttoq: Kattuffik, social- aamma ældreministerip akuerisimasaa meeqqanik danskisut

innuttaassuseqanngitsunik meeravissartaarinninnissamut ikiuttussatut, tak. peqqussummi § 36.
10) Haagerimi isumaqatigiissut 29. maj 1993-imeersoq meeqqat illersorneqarnissaat aammalu nunat tamalaat akornanni meeravissartaarneq pillugit suleqatiinneq.
11) Immersugassaq akuerisaq: Immersugassaq Ankestyrelsenimit akuerisaq.

Kapitali 2

Meeravissartaarnissamut qinnuteqarneq il. il.

Meeravissartaarnissamut qinnuteqaat

§ 3. Qinnuteqartoq Kalaallit Nunaanni najugaqarpat, meeravissartaarnissamut qinnuteqaat Naalagaaffiup Sinnisuanut tunniunneqassaaq.

Imm. 2. Aappariit imaluunniit inooqatigiit qinnuteqaat ataatsimoorullugu tunniutissavaat, meerarsiamik meeravissartaarnissamut qinnuteqarneq pineqanngippat. Tamannali atuutissanngilaq aapparisaq imaluunniit inooqatigisaq nalunaarummi § 6 imm. 1-imi taaneqartutut inissisimappat.

§ 4. Immersugassaq akuerisaq atorlugu qinnuteqaat tunniunneqassaaq, ilisarismannngisamik qitornavissartaarnissaq pillugu akuersissutip pilersinneqarnissaa qinnuteqaammi pineqanngippat.

Imm. 2. Nalunaarutit, uppernarsaatit assigisaallu immersugassami taaneqartut ilanngunneqassapput.

§ 5. Nalunaarutit, uppernarsaatit, eqqartuussutit allaganngortinneri assigisaallu danskit, kalaallit, savalimmiormiut, norskit, svenskit, finlandimiut, islandimiut, tuluit imaluunniit tyskit oqaaserinngisaannik allatat qinnuteqaateqartup piuaaffigineqarnermigut qallunaat imaluunniit kalaallit oqaasiinut nutserneqarsimasut pissarsiarissavai. Nunami pineqartumi pisortatut oqartussaassusillit imaluunniit naalagaaffiimmi maani imaluunniit nunami pineqartumi translatoqartut nutserisutulluunniit akuerisaasup nutsigaq atorsinnaasutut uppernarsassavaa.

Meeqqap meeravissartaaritinnissaanut noqqaaneq

§ 6. Meeqqamik Kalaallit Nunaanni najugalimmik imaluunniit najugaqarallartumik, nunagisami meeravissartaarineqartussaananeranut suliaq Naalagaaffiup Sinnisuaata isumagissavaa. Naalagaaffiup Sinnisuaata suliaq Ankestyrelsenimut saqqummiutissavaa, pasitsaassisoqarpat nalunaarummi § 37 unioqqutinneqartoq (meeravissartaarniarnermi unioqqutitsilluni ikiuineq).

§ 7. Kommunalbestyrelse nammineq piuaassuseq atorlugu meeqqamik tunniussinissamut saaffigineqaruni, nunagisami meeravissartaartitsinnissamut, angajoqqaat ilitsersorneqassapput meeqqat ikiorneqarnissaat pillugu Inatsisartut inatsisaat malillugu ikiorneqarsinnaanermut, meerartik meeravissartaaritinnianngikkunikku. Meerartilli meeravissartaarineqarnissaanut aalajangiussisimagunik suliaq piarnerpaamik Naalagaaffiup Sinnisuanut ingerlateqqinneqassaaq, ajornanngippat kingusinnerpaamik meeqqap inunngornerata kingorna.

Imm. 2. Naalagaaffiup Sinnisuaata imm. 1-imi allassimasutut angajoqqaat ilitsersussavai, kommunalbestyrelsemit ilitsersorneqareersimannngippata.

Imm. 3. Meeqqap meeravissartaarineqarnissaanut kissateqarneq aalajangiusimaneqarpat, Naalagaaffiup Sinnisuaata isumagissavaa meeqqamut aamma angajoqqaanut tunngasut misissorneqarnissaat.

§ 8. Meeravissartaarnermik suleqatigiinneq pillugu Haagerimi isumaqatigiisummik atuutsitsisumik naalagaaffimmi allami najugalik, Kalaallit Nunaanni najugalimmik meeravissartaarniarluni qinnuteqartoq Naalagaaffiup Sinnisuanut saaffiginissinnaavoq.

Imm. 2. Naalagaaffiup Sinnisuaata imm. 1 malillugu Ankestyrelsenimut suliamik saqqummiussissaaq.

Kapitali 3

Meeravissiartaarnissamut qinnuteqaatip suliarineqarnera

Aalajangersakkat nalinginnaasut

§ 9. Kapitalimi 4-mi 5-imi aamma 6-imi malittarisassat naapertorlugit, Naalagaaffiup Sinniisua meeqqap angajoqqaavinit aamma meeqqamut akisussaasumit kiisalu meeqqamit akuersissutinik aamma uppersaatiniq pissarsiniassaaq.

Imm. 2. Qinnuteqartup naammattumik ilitersuutinik pisariaqartunik pissarsinissaa imaluunniit pinissaa Naalagaaffiup Sinniisuata qulakkiissavaa.

§ 10. Meeravissiartaarnissamut qinnuteqaat Naalagaaffiup Sinniisuata Ankestyrelsenimut saqqummiutissavaa ima pisoqartillugu:

- 1) Meeravissiartaarnissamut akuersissut nunami allami oqartussamut atorfeqarfimmulluunniit akuerisassanngortinneqarsimappat aamma peqqussut § 32, imm. 2 malillugu akuerisaasumik meeravissiartaarneq nunami allami aalajangerneqarsimanngippat. Meeravissiartaarnerli suliniaqatigiiffimmit akuerisamit ingerlatsisumit ikiorneqarluni pisimappat suliaq saqqummiunneqassanngilaq.
- 2) Angajoqqaat akuersiteqqaarnagit meeravissiartaarnissamut qinnuteqartoqarsimappat, tak. peqqussummi § 11.
- 3) Kingusinnerusukkat meeravissiartaarnissamut akuerineqarnissaa qinnuteqaatigineqarpat, tak. peqqussummi § 12.
- 4) Peqqussummi § 37 unioqqutinneqartoq pasitsaanneqarpat (unioqqutitsilluni meeravissiartaarnermut ikiuineq).
- 5) Suliap saqqummiunneqarnissaa tunngavissaqarpat.

§ 11. Meeraq akuersissutitalimmik imaluunniit akuersissutitaqanngitsumik nunamut allamut meeravissiannngortinneqarnissaa aalajangiunneqarpat Naalagaaffiup Sinniisuata ilisimatitsissut Namminersorlutik Oqartussanut ingerlatissavaa. Taamaattoq meeqqap aalajangersimasumit meeravissiartaarneqarnissaa siunertaralugu akuersissut tunniunneqarsimappat suliaq Naalagaaffiup Sinniisuanit ingerlanneqassaaq.

Ilisarimanngisamik meeravissiartaarneq

§ 12. Meeqqap qinnuteqartumut meeravissiannngortinngitsiarnerani meeravissiartaartut akuerineqarnissaaq pillugu Kalaallit Nunaannut nalunaarummi § 2, imm. 1, nr. 2 naapertorlugu qinnuteqartoq meeqqamik ilisarimanngisamik meeravissiartaartussatut akuersissutaalik pillugu pineqaatissinneqartarnermut uppersaammik pisortanut atugassamik peqartoqarneranik Naalagaaffiup Sinniisua piniassaaq. Meerarli qinnuteqartumiilereersimappat pineqaatissinneqartarnermut uppersaammik pisortanut atugassamik Naalagaaffiup Sinniisua piniassaaq, meeravissiartaarnermut akuersissut naammassillugu suliarineqartinnagu.

Imm. 2. Akuersissutip naammassillugu suliarineqarnissaa sioqqutitsiarlugu meeravissiartaartut akuerineqarnissaaq pillugu Kalaallit Nunaannut nalunaarummi § 2, imm. 1, nr. 1 naapertorlugu qinnuteqartoq meeqqamik aalajangersimasumik meeravissiartaartussatut akuersissutaalik pillugu pineqaatissinneqartarnermut uppersaammik pisortanut atugassamik Naalagaaffiup Sinniisua piniassaaq.

Ilaquttamik meeravissartaarneq

§ 13. Ilaquttamik meeqqamik suli 18-inik ukioqalersimangitsumik meeravissartaarnissamut qinnuteqartoqartillugu, meerarsiaqarnissamut akuersissummi malittarisassat malillugit qinnuteqartoq meerarsiaqarnissamut piumasaqaatinik naammassinninersoq Naalagaaffiup Sinniisua kommunalbestyrelsimut nalunaarummik noqqaassaaq. Taamaattorli tamanna atuutinnilaq peqqussummi § 11 malillugu akuersissutitaqanngippat. Kommunalbestyrelsip ilisimatitsissutigissavaa nalunaarusiap pilersinnissaanut paasiniaanermi suut tunngaviunersut, aamma ilisimatitsissutigissavaa meeravissartaartitsinissaq meeqqamut ilumut iluaqutaanissaa eqqarsaatigalugu pissutsinik immikkut itunik qulalersisitsinnaasunik taasariaqartoqarnersoq. Taamaattoqarsimappat paasissutissat kommunalbestyrelsimiittut nalunaarummut ilanngullugit Naalagaaffiup Sinniisuanut nassiunneqassapput.

§ 14. Meeqqat illersorneqarnissaat nunallu tamalaat akornanni meeravissartaartitsisarneq eqqarsaatigalugu Haagerimi isumaqatigiissut tunngavigalugu ilaquttamik meeravissartaarnissamik qinnuteqartoqarpat, paasissutissallu pigineqartut tunngavigalugit qitornavissartaartitsinissaq meeqqamut pitsaanerussasoq, Naalagaaffiup Sinniisuata akuersaarnartippagu, qinnuteqaat Naalagaaffiup Sinniisuata oqartussanut nunami meeravissartaartitsisumi oqartussat toqqagaanut oqartussanulluunniit allanut nassiutissavaa. Qinnuteqaammut ilanngunneqassapput meeravissartaarniarluni qinnuteqartoq pillugu nalunaarusiaq aamma Naalagaaffiup Sinniisuata paasissutissat pigineqartut tunngavigalugit qinnuteqartup meeravissartaartussatut piukkunnassusaanut tunngatillugu naliliinera.

Imm. 2. Meeraq pillugu nunamit meeravissartaartitsisumit paasissutissat tunngavigalugit meeravissartaartitsisoqarsinnaasoq Naalagaaffiup Sinniisua isumaqarpat, isumaqatigiissummi aalajangersagaq 17 c naapertorlugu immersugassaaq akuersiaq atorlugu Naalagaaffiup Sinniisuata akuersissut tunniutissavaa aamma nunap meeravissartaartitsisup oqartussaasuinut imaluunniit oqartussanut uppersaammik tiguisussatut imaluunniit piginnaatitaanut taanna nassiutissavaa kiisalu taamaaqataanik aalajangersagaq 17 c naapertorlugu akuersissummik nuna meeravissartaartitsisoq Naalagaaffiup Sinniisuanut nassiussisimanersoq misissussallugu.

Imm. 3. Haagerimi isumaqatigiissummi ilaatinneqanngitsumik, nunami allamiumik ilaquttamik meeravissartaarnissamut qinnuteqartoqartillugu Naalagaaffiup Sinniisuata nunami meeravissartaartitsiviusumi oqartussaasuinut suliaq saqqummiutissavaa.

Imm. 4. Nuna meeravissartaartitsisoq inatsisitigut piumasaqarpat qinnuteqaatip suliarineqarnera suliniaqatigiiffimmit ingerlanneqassasoq imaluunniit tamanna naleqquttutut isigineqarpat, imm. 2-mi 3-milu eqqaaneqartutut pisoqartillugu, qinnuteqartoq suliniaqatigiiffimmut ilaasortanngussasoq Naalagaaffiup Sinniisuata piumasarisinnaavaa.

§ 15. Meeravissartaarnerup pingaarutaa pillugu Naalagaaffiup Sinniisuata qinnuteqartoq oqaloqatigissavaa, aatsaalli qinnuteqartoq oqartussaqaarfimmit allamit ilitsersorneqareersimangippat.

§ 16. Ilaquttamik meeravissartaarnissamik akuersissutip pilersinningsiarnerani qinnuteqartoq pinerluuteqarsimanginnermut uppersaammik pisortanut atugassamik peqarpat Naalagaaffiup Sinniisua pissarsiniassaaq taassuminnga. Tamannali pissanngilaq qitornavissartaariniarlugu qinnutigisaaq 18-nik ukioqalersimappat.

Imm. 2. Qinnuteqartup timikkut tarnikkullu peqqissusianut tunngatillugu paasissutissat nalorninissamut patsissaqarpata meeqqamullu meeravissartaarinninnissaq pitsaanerpaajunngitsooq Naalagaaffiup Sinniisua meeravissartaarnissamut aalajangiisartunut oqaaseqaammik piumasinnaavoq meeravissartaarnissamik paasissutissatigut qinnuteqartoq qularnartoqartinneqarpat.

Meeravissiartaartitsinerit akuersissuteqanngitsut suliat pillugit ilisimatitsineq

§ 17. Meeraq meeqqanut aammalu inuusuttunut isumaginnittoqarfimmut tunniunneqarsimappat Naalagaaffiup Sinniisuta inunnik isumaginninnermut naalakkersuisoqarfik akisussaasoq ilisimatissavaa peqqussummi § 11, imm. 2 naapertorlugu sulianut aalajangikkamut suliassanngortinneqartumut tunngatillugu.

Kapitali 4

Angajoqqaat imaluunniit angajoqqaatut sinniisuusup akuersinerat

§ 18. Meeqqap angajoqqaavi angajoqqaatulluunniit sinniisuutit akuersinermikk atsiussapput, tak. peqqussummi § 9, Naalagaaffiup Sinniisuanut imaluunniit politiinut nammineq takkunermikkut, taamaattoq tak. imm. 2 aamma 3.

Imm. 2. Angajoqqaat angajoqqaatulluunniit sinniisuutit Danmarkimi imaluunniit Savalimmiuni najugaqarpata najugaqarallarpataluunniit, Naalagaaffiup Sinniisuata Familieretshuseti Savalimmiuniluunniit Naalagaaffiup Sinniisua qinnugisinnaavaa akuersinermik atsiornissaq siunertaralugu pineqartup nammineerluni takkunnissaa noqqaassutigeqqullugu.

Imm. 3. Angajoqqaat angajoqqaatulluunniit sinniisuutit nunami allami najugaqarpata imaluunniit sivisunerusumik najugaqarallassappata, Naalagaaffiup Sinniisuata danskit sinniisuutitaqarfia qinnugisinnaavaa akuersinermik atsiornissaq siunertaralugu pineqartup nammineerluni takkunnissaa noqqaassutigeqqullugu.

Imm. 4. Angajoqqaat imaluunniit meeqqap angajoqqaatut sinniisua akuersissummik tunniussitinnatik meeravissiartaarnerup inatsisitigut sunniutigisinnaasaannik, tassunga ilagitillugu peqqussummi kap. 2 aamma 3 pillugit, ilitsersorneqassapput aatsaalli qitornassamik meeravissiartaarnissaq qinnutigineqarsimappat, nalunaarummi § 11, imm. 1 aammalu § 14 pillugit ilitsersorneqassapput.

Imm. 5. Akuersissut piumasaqaatitaqassanngilaq aammalu immersugassaq akuerineqarsimasoq atorlugu tunniunneqassalluni.

§ 19. Meeqqap ilisarismanngisap nunagisami meeravissiannngortinneqarnerani, tak. peqqussummi § 9, meeqqap angajoqqaavi angajoqqaatulluunniit sinniisuutitaa meeravissiartaartussatut akuersinerat Namminersorlutik Oqartussat toqqagaanut nalunaarutigineqarsinnaavoq.

§ 20. Suliniaqatigiiffimmit akuerisamit meeqqamik nunami allamiumik meeravissiartaarneq ingerlanneqarsimappat tamatumunngalu angajoqqaat meeravissiartaarnissamut nunami allami oqartussaqaarfimmut imaluunniit suliffeqarfimmut nalunaarutigineqarsimasoq, peqqussummi § 32 imm. 2 naapertorlugu nunami maani akuerisaasumik aalajangiisimappata, akuersissut danskit oqartussaassuisa akuersinerannut naligiissinneqassanersoq Ankestyrelsenip aalajangissavaa.

Kapitali 5

Meeravissiartaarnermik nalunaaruteqarneq

§ 21. Angajoqqaat, tak. peqqussummi § 15, aamma sinniisuutitap, tak. peqqussummi § 16, nalunaarutaat immersugassaq akuerisaq atorlugu aamma atsiorneqarsimasoq tunniunneqassaaq.

Imm. 2. Angajoqqaat angajoqqaatullu sinniisuutitap nalunaarummik tunniussinnginneranni inatsisigut atugassarititaanik peqqussummilu kapitali 2 aamma 3-mi pineqartunik paasissutissinneqarsimanersut Naalagaaffiup Sinniisuata misissussavaa.

Imm. 3. Suliami pisut ajornartingippassuk nalunaarut Naalagaaffiup Sinniisuanut imaluunniit politiinut nammineq takkunninnikkut tunniunneqassasoq Naalagaaffiup Sinniisuata piumasarisinnaavaa.

Imm. 4. Angajoqqaq angajoqqaatulluunniit sinniisuutitaq Danmarkimi imaluunniit Savalimmiuni najugaqarpata najugaqarallarpataluunniit Naalagaaffiup Sinniisuata Savalimmiuni Familieretshuseti imaluunniit Naalagaaffiup Sinniisua qinnuigisinnaavai nalunaarummik tunniussinissaq siunertaralugu pineqartoq nammineerluni takkuteqqullugu aggersassagaat.

Imm. 5. Angajoqqaq angajoqqaatulluunniit sinniisuutitaq nunami allami najugaqarpat imaluunniit nunami allami sivilunerusumik najugaqarallassappat Naalagaaffiup Sinniisuata danskit sinniisuutitaat qinnuigisinnaavaa nalunaarummik tunniussinissaq siunertaralugu pineqartoq nammineerluni takkuteqqullugu aggersassagaa.

Kapitali 6

Meeqqap akuersinera aamma paasissutissiineq meeqqap meeravissiartaartitsinermut isumaa pillugu

§ 22. Meeqqap akuersissutini atsiussavaa, tak. peqqussummi § 8, imm. 1, Naalagaaffiup Sinniisuanut imaluunniit politii nut nammineerluni takkunnikkut.

Imm. 2. Naalagaaffiup Siinniisuata meeraq Danmarkimi imaluunniit Savalimmiuni najugaqarpat najugaqarallarpalluunniit Familieretshuseti imaluunniit Savalimmiuni Naalagaaffiup Sinniisua piunaffigisinnaavaa meeraq aggersarneqassasoq nammineerluni takkunnikkut akuersissut tunniunnissaa siunertaralugu.

Imm. 3. Meeraq nunami allami najugaqarpat imaluunniit sivilunerusumik nunami allamiikkallarpat meeqqap nammineerluni takkunissaa siunertaralugu Naalagaaffiup Sinniisuata qallunaat aallartitaat piunaffigisinnaavaa aggersaqqullugu nammineerluni meeqqap akuersissummik tunniussinissaa siunertaralugu.

Imm. 4. Akuersissut oqaatsitigut imaluunniit allakkatigut tunniunneqarsinnaavoq. Akuersissut allaganngorlugu tunniunneqarpat tamanna pissaaq immersugassaq akuerisaq atorlugu. Akuersissut oqaatsitigut tunniunneqarpat tamanna nalunaarutigineqassaaq akuersissut tunniunneqarsimasoq.

Imm. 5. Meeraq akuersissummik nalunaaruteqartinnagu meeravissiannngortinneqarnerup akuersissutillu sunniutai meeqqamut ilitersuutigineqassapput tassunga ilagitillugu nalunaarummi kapitali 2 aamma 3 pillugit.

Imm. 6. § 20 Assinganik atuutissaaq.

§ 23. Meeraq 18-nit inorlugit ukioqarpat meeqqallu akuersissutaanik pissarsinissaq meeqqamut ajoqutaasussatut isumaqarfigineqarpat, akuersissut piunassarineqassanngilaq.

Kapitali 7

Akuersissummik pilersitsineq

§ 24. Meeravissiartaarnissamik akuersissut immersugassaq akuerisaq atorlugu Naalagaaffiup Sinniisuata pilersissavaa. Akuersissutip assilinera Naalagaaffiup Sinniisuata toqqortarissavaa.

Imm. 2. Haagerimi isumaqatigiissummit pineqartumik meeravissiartaarnermut akuersissut Naalagaaffiup Sinniisuata pilersippagu tamatuma tamat isumaqatigiissutaannut naapertuunera Naalagaaffiup Sinniisuata uppersarsarlugu atsiussavaa, tak. nunat tamalaat isumaqatigiissutaanni aalajangersagaq 23. Uppersarsaat immersugassamut akuerisamut suliarineqassaaq meeravissiartaartumullu tunniunneqassalluni. Uppersarsaatip assilinera nunamut meeravissiartaartitsisumut nassiunneqassaaq.

§ 25. Meeravissiartaarneq nunamit allamit aalajangigaappat taannalu nalunaarummi § 32, imm. 2 malillugu akuerisaappat qitornavissiartaarnermut akuersissut suliarineqassanngilaq, kisiannili Naalagaaffiup Sinniisuata allakkatigut uppersarsassavaa nunamit allamit meeravissiartaartitsineq aalajangigaq akuerineqartoq.

§ 26. Nunami allami meeravissartaarnermik akuersissutip pilersinneqartut aamma peqqussummi § 32, imm. 2 malillugu akuerisamik nunami allamiumik meeravissartaarnermik aalajangiinerit pillugit Naalagaaffiup Sinniisuata Ankestyrelseni ilisimatissavaa.

Kapitali 8

Meeravissartaarnerit pillugit inatsisit pisoqaanerit atugassarititaasa allannguutaat

§ 27. Peqqussummi § 43, imm. 2 malillugu qinnuteqaat tunniunneqassaaq Ankestyrelsenimut.

§ 28. Qinnuteqaat qinnuteqartup nammineq atsiussavaa, meeravissartaarnerullu kingorna meeqqap angajoqqaavisalu attaveqaqatigiinnerisa ingerlaannarsimanagera pillugu paasissutissanik imaqaassalluni. *Imm. 2.* Qinnuteqaammut ilanngunneqassapput:

- 1) Meeravissartaarnermut akuersissutip allaqqaarnera imaluunniit taanna tammarsimappat Justitsministereqarfimmiillu pilersinneqarsimanngippat akuersissutip assilinera uppersarsaasigaq.
- 2) Angajoqqaajusut nalunaarutaat meeravissartaarnerup kingorna meeqqap angajoqqaavigisaasalu attaveqaqatigiinnerata ingerlaannarsimanageranik.
- 3) Meeqqap qinnuteqaammut akuersissutaa.
- 4) Meeravissartaartut arlaat toqusimappat, toqusup allagartaa.
- 5) Meeqqap angajoqqaavisa arlaat toqusimappat, meeravissartaarnerullu kingorna meeqqap angajoqqaavisalu attaveqaqatigiinnerat ingerlaannarsimappat, toqusup allagartaa.

Kapitali 9

Maalaarut il. il.

§ 29. Naalagaaffiup Sinniisuata aalajangigai aammalu suliamik ingerlatsinera nalunaarummi § 35, imm. 1 aamma 2 malillugit Ankestyrelsenimut maalaarutigineqarsinnaasut, Naalagaaffiup Sinniisuanut tunniunneqassapput taassumalu maalaarut aammalu suliap takussutissartai Ankestyrelsenimut ingerlateqqissallugit.

§ 30. Aalajangiinerup Ankestyrelsenimut maalaarutigineqartup suliarineqarnera Naalagaaffiup Sinniisuata suliareqqissinnaavaa, imaassimappat

- 1) qinnuteqaat Naalagaaffiup Sinniisuata isummerfigisimanngippagu,
- 2) naammagittaalliut paasissutissanik pingaarutilinnik nutaartaqarpat,
- 3) paasissutissat pingaarutillit Naalagaaffiup Sinniisuata isummerfigisimanngisai ilaappata, imaluunniit
- 4) aalajangiinerup pingaaruteqarsimasinnaasumik suliap suliarineqarnerani kukkusiqarsimappat.

Imm. 2. Naammagittaalliut Naalagaaffiup Sinniisuanit suliarineqaqqinnissaa pillugu aalajangiineq naammagittaalliortup Ankestyrelsenimut naammagittaalliutiginnaavaa.

Kapitali 10

Nunat tamat suleqatigiinnerat

§ 31. Haagerimi isumaqatigiissut malillugu Ankestyrelseni Kalaallit Nunaat sinnerlugu oqartussaavoq.

§ 32. Ankestyrelsenip oqartussatut

- 1) nunat allat nunat tamat Haagerimi isumaqatigiissutaannik atuutilersitsisimasut oqartussaasui suleqatigissavai, aamma
- 2) nunat tamat Haagerimi isumaqatigiissutaat malillugu qitiusumik oqartussat suliassaarut aamma suliarisassavai.

§ 33. Haagerimi isumaqatigiissut eqqortinneqarsimangippat imaluunniit asuliunngitsumik kinaluunniit oqartussaasoq imaluunniit suliniaqatigiiffik meeravissiarternissamik sulianik naammassineqarnissaanik peqataasut piaarnerpaamik qitiusumik oqartussaasunut taamaattoqannginneranik nalunaarutiginnissapput.

Kapitali 11

Atuutilersitsineq il.il.

§ 34. Nalunaarut 1. april 2021-mi atuutilissaaq.

Imm. 2. Meeravissiarterneq pillugu Kalaallit Nunaannut nalunaarut nr. 456, 28. april 2010-meersoq matumuuna atorunnaarsinneqarpoq.

Imm. 3. 1. april 2021 nallertinnagu meeravissiarternissamik qinnuteqarneq qinnuteqartumit inooqateqartumit meeravissiarterneq pillugu Kalaallit Nunaannut nalunaarut nr. 456, 28. april 2010-meersoq malillugu naammassillugu suliarineqassaaq.

§ 35. Meeravissiarterneq pillugu Kalaallit Nunaannut nalunaarut nr. 456, 28. april 2010-meersoq malillugu meeravissiarternermut Familiestyrelsenip immersugassat akuerisai sulii atuupput, atorunnaarsinneqarnissaata imaluunniit allanngortinneqarnissaata tungaanut.

Social- aamma Ældreministeria,

Astrid Kragh

/Carina Fogt-Nielsen